



Broj: 01-150/19
Vareš, 30.07. 2019. godine

Z A P I S N I K
sa 28. sjednice Općinskog vijeća Vareš,
održane 27.06. 2019. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

Odsutni: Fadila Turki.

Adis Čizmo – predsjedavajući Općinskog vijeća Vareš konstatuje da Vijeće može raditi jer ima kvorum za rad sjednice.

Predsjedavajući OV otvorio je 28. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici Općinskog načelnika – gosp. Ibrahim Spahić, gosp. Čedomir Jelić i gosp. Ermin Musa, zamjenik općinskog pravobranilaštva – Damir Arnautović, ispred Službe za upravu, društvene djelatnosti i BiH – gosp. Senad Dramalija, direktorica JU Centar za socijalni rad Vareš – gosp. Nihada Gondžo, direktorica i predsjednica UO JU Opća biblioteka Vareš – gosp. Ilijana Gavran Radojević i gosp. Jasmina Šijak, direktorica JU Centar za kulturu i edukaciju Vareš gosp. Šejla Kapetanović i gosp. Stjepan Šimić, zastupnica u Parlamentu FBiH – gosp. Jasminka Ibrišimović, predsjednici političkih partija i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 27. sjednice OV održane 30.05.2019. godine. Na 27. sjednici nije bilo zaključaka. Postavljeno je deset (10) vijećničkih pitanja. Na šest (6) pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja. Na četiri (4) vijećnička pitanja nije odgovoreno.

Općinski načelnik Zdravko Marošević za današnju sjednicu nije imao obraćanja o aktuelnim pitanjima.

(Vijećnička pitanja)

Ponovo postavio dva pitanja sa 27. sjednice OV.

Elvir Rožajac

1. Postoji li mogućnost da se nešto uradi povodom uništavanja puta Šimin Potok-Ravne ? O istom je dao pojašnjenje. U općini postoji služba koja obilazi puteve da li bi oni mogli nešto uraditi ? (sa prošle sjednice)
2. Građani Vareša pitaju da li postoji mogućnost kontrole tereta kamiona kamenoloma i drveta kroz grad, primijećena su ulegnuća na glavnoj cesti ? (sa prošle sjednice)

Nedžad Mušanović

3. Da li se može nešto poduzeti u vezi pitanja prevoza putnika na relaciji Ravne i Zubeta, jer otkako je školski raspust više nema prevoza ?

Elvir Rožajac

4. Regionalni put Breza –Vareš-Podkaminsko zbog neadekvatnog ljetnog održavanja puta firme koja je zadužena za to dolazi do nesreća jer je prevelika trava i na nekim mjestima nema nikakve preglednosti. Molim nadležne da se obrate prema kantonu po ovom pitanju. I da li postoji mogućnost izgradnje nastrešnice na autobuskom stajalištu kod MUP-a?
5. Ove godine su planirana sredstva u budžetu Općine Vareš za JU Dom zdravlja Vareš da li će doći do prebacivanja istih u ovoj godini ? O istom dao pojašnjenje.

Adis Čizmo

6. Nasipanje dječijeg igrališta u Varešu- potrebno je održavanje i popravke (nasipanje pijeska). Načelnik je uradio jedan dio, traži od Općinskog načelnika da upozna JKP i općinske službe i da se ovaj problem riješi?

Kruno Ridić

7. Da li ćemo i kada ćemo mi u Varešu (OV, općinske službe i načelnik) početi da upravljamo povjerenom nam imovinom maniom dobrog domaćina (šume, građevinsko i poljoprivredno zemljište)? Dao pojašnjenje.
8. Pitanje u vezi izvorišta Očevija – Šta je sa zaštitom izvorišta jer u tom rejonu se vrši sječa šume i nasipanje? Dao je pojašnjenje.

Igor Šimić

9. Naselje Pruga- problem oko smeća koje se dovlači tu. U ime građana traži da se nešto uradi po tom pitanju poduzme, sanira i stavi zabrana dovlačenja smeća?
10. Traži da se riješi problem saniranja dječijeg igrališta u Varešu?

Kenan Kamenjaš

11. Predlaže i traži da se svi dječiji parkovi/igrališta na općini Vareš obidu i saniraju. Dao je pojašnjenje.

Branko Romić

12. Da li je Općinski načelnik upoznat i nadležna služba, koji je ishod sjednice zbora građana MZ Pržići- Daštansko. Mnogi građani ne znaju šta se tu događa. Ukratko u kojoj su fazi razgovori ? Dao je pojašnjenje.

Muftić Anel

13. Pitam u ime mještana MZ Pržići i Daštansko, da li postoji mogućnost sanacije njihovog puta jer je firma Eastern Mining uplatila novac a njihov put se poprilično uništio?
14. Da li općinske službe rade na rješavanju problema parkinga u gradu ? Dao pojašnjenje.

Džemo Kevrić

15. Da li se može izvršiti pokušaj izmjene izdvajanja sredstava od ukupno odsječene mase sa područja općine Vareš koja trenutno iznosi 5% - da pokrenemo neku inicijativu ili zaključak da se ubuduće ta sredstva povećaju bar na 10%. Dao je pojašnjenje.
16. Da se za narednu školsku godinu može uputi dopis MSS Nordbat 2 Vareš da se osnuje jedno odjeljenje rudarske stručne spreme. Dao pojašnjenje.

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 27. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 27. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“) usvojen Zapisnik sa 27. sjednice OV.**

Predsjedavajući OV stavio je na raspravu prijedlog dnevnog reda za 28. sjednicu OV koji je usaglašen na Kolegiju Općinskog vijeća.

Predsjedavajući OV predložio je dopunu dnevnog reda sa tačkom 1. „Prijedlog Zaključka o davanju saglasnosti Općinskom načelniku za potpisivanje Sporazuma o saradnji (općine Choisy-le-Roi u Francuskoj i Općine Vareš). Ostale tačke se pomjeraju za jedno mjesto.

Prijedlog za dopunu stavljen je na izjašnjavanje i nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena dopuna dnevnog reda.**

Predsjedavajući OV stavio je na izjašnjavanje prijedlog dnevnog reda 28. sjednice OV sa usvojenom dopunom.

Nakon izjašnjavanja predsjedavajući OV konstatuje da je prijedlog dnevnog reda 28. sjednice OV **jednoglasno sa (18 glasova „ZA“) usvojen sljedeći**

Dnevni red

1. Prijedlog Zaključka o davanju saglasnosti Općinskom načelniku za potpisivanje Sporazuma o saradnji (Općine Choisy-le-Roi u Francuskoj i Općine Vareš).
Izjavitelj: Općinski načelnik.
2. Izvještaj o radu JU Centar za socijalni rad Vareš za 2018. godinu.
Izjavitelj: Direktorica i UO.
3. Izvještaj o radu JU Centar za kulturu i edukaciju Vareš za 2018.godinu
Izjavitelj: Direktorica i UO.
4. Izvještaj o radu JU Opća biblioteka Vareš za 2018.godinu.
Izjavitelj: Direktorica i UO.
5. Prijedlog Odluke o utvrđivanju statusa javnog dobra u općoj upotrebi (Ravne).
Izjavitelj: Ermin Musa.
6. Prijedlog Odluke o utvrđivanju statusa javnog dobra u općoj upotrebi (Budoželje).
Izjavitelj: Ermin Musa.
7. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2018. godinu.
Izjavitelj: Ibrahim spahić.
8. Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.
Izjavitelj: Čedomir Jelić.
9. Informacija o stepenu implementacije Plana upravljanja otpadom općine Vareš 2014-2019, za 2018. godinu.
Izjavitelj: Ermin Musa.
10. Informacija o provođenju lokalnog ekološkog akcionog/akcijskog plana za općinu Vareš u 2018. godini.
Izjavitelj: Ermin Musa.
11. Tekuća pitanja.

Ad. 1.

(Prijedlog Zaključka o davanju saglasnosti Općinskom načelniku za potpisivanje Sporazuma o saradnji (Općine Choisy-le-Roi u Francuskoj i Općine Vareš).

Općinski načelnik Zdravko Marošević dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Kruno Ridić i predsjedavajući OV Adis Čizmo.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti Općinskom načelniku za potpisivanje Sporazuma o saradnji (Općine Choisy-le-Roi u Francuskoj i Općine Vareš).

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutan vijećnik Kenan Kamenjaš) **usvojen**

Zaključak o davanju saglasnosti Općinsko načelniku za potpisivanje Sporazuma o saradnji (Općine Choisy-le-Roi u Francuskoj i Općine Vareš)

Ad. 2.

(Izveštaj o radu JU Centar za socijalni Rad Vareš za 2018. godinu.)

Otvorena je rasprava u kojoj su stavove, mišljenja i pitanja iznijeli vijećnici: Nedžad Mušanović, Kruno Ridić, Mirnes Ajanović, Safeta Muftić, Elvir Rožajac, Demo Kevrić, Mario Mirčić, Mirnes Ajanović (replika), Mario Mirčić (replika).

Općinski načelnik Zdravko Marošević u svom obraćanju iznio je svoje mišljenje u vezi diskusija u raspravi o socijalnoj situaciji i dao pojašnjenje i odgovor na diskusiju vijećnika Ajanović Mirnesa u vezi zapošljavanja.

Direktorica gosp. Nihada Gondžo u svom obraćanju dala je dodatno pojašnjenje za ovu tačku dnevnog reda i odgovorila na postavljena pitanja vijećnika u raspravi koja se odnose na navedene podatke u Izveštaju.

Zaključena je rasprava i predsjedavajući OV stavio je na izjašnjavanje Izveštaj o radu JU Centar za socijalni rad Vareš za 2018. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** **prihvaćen**

Izveštaj o radu JU Centar za socijalni rad Vareš za 2018. godinu.

Ad.3.

(Izveštaj o radu JU Centar za kulturu i edukaciju Vareš za 2018. godinu.)

Otvorena je raspravu u kojoj su svoje stavove, mišljenja i pitanja iznijeli vijećnici: Safeta Muftić, predsjedavajući OV Adis Čizmo, Nedžad Mušanović, Elvir Rožajac, Kruno Ridić, Branko Romić, Mario Mirčić i Mirnes Ajanović.

(vijećnik Igor Šimić iz opravdanih razloga napustio je sjednicu)

Direktorica gosp. Šejla Kapetanović u svom obraćanju dala je odgovor da ustanova ima cjenovnik i da su rijetke saglasnosti gdje Načelnik daje suglasnost za besplatne usluge

korištenja prostorija. Na osnovu diskusije vijećnika Ajanović Mirnesa, upoznala je prisutne o broju i statusu zaposlenih u javnoj ustanovi.

Sekretar OV Leon Pavlović skrenuo je pažnju na Metodologiju izrade izvještaja o radu javnih preduzeća i javnih ustanova.

Zaključena je rasprava i predsjedavajući OV stavio je na izjašnjanje Izvještaj o radu JU Centar za kulturu i edukaciju Vareš za 2018. godinu.

Nakon izjašnjanja vijećnika predsjedavajući OV konstatuje da je **sa 15 glasova „ZA“ i 1 glasom „PROTIV** (odsutni vijećnici Kenan Kamenjaš i Igor Šimić) **prihvaćen**

***Izveštaj o radu
JU Centar za kulturu i edukaciju Vareš za 2018. godinu.***

Ad.4.

(Izveštaj o radu JU Opća biblioteka Vareš za 2018. godinu.)

Otvorena je rasprava u kojoj su svoje stavove i mišljenja iznijeli vijećnici: Elvir Rožajac, Kruno Riđić, Branko Romić i Safeta Muftić (predložila direktorici ako postoji mogućnost da jedan dan u sedmici, ustanova ima radno vrijeme i poslije 15,00 sati, dala pojašnjenje).

Zaključena je rasprava i predsjedavajući OV stavio je na izjašnjanje Izvještaj o radu JU Opća biblioteka Vareš za 2018. godinu.

Nakon izjašnjanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan vijećnik Igor Šimić) **glasa prihvaćen**

Izveštaj o radu JU Opća biblioteka Vareš za 2018. godinu.

Predsjedavajući OV dao je pauzu u trajanju od 15 minuta.

Nastavljeno je sa radom sjednice.

Ad.5.

*(Prijedlog Odluke o utvrđivanju statusa
javnog dobra u općoj upotrebi (Ravne).)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o utvrđivanju statusa javnog dobra u općoj upotrebi (Ravne).

Nakon izjašnjanja vijećnika predsjedavajući OV konstatuje da je **jednoglasno (sa 13 glasova „ZA“)** (odsutni vijećnici: Nermin Hrvat, Mirnes Ajanović, Demo Kevrić, Emir Islamović i Igor Šimić) **usvojena**

***Odluka o utvrđivanju statusa
javnog dobra u općoj upotrebi (Ravne).***

Ad.6.

(Prijedlog Odluke o utvrđivanju statusa javnog dobra u općoj upotrebi (Budoželje).)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac, Kruno Riđić i pomoćnik načelnika Ermin Musa koji je odgovorio na postavljena pitanja vijećnika u vezi javnog dobra-puteva.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju statusa javnog dobra u općoj upotrebi (Budoželje).

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan vijećnik Igor Šimić) **usvojena**

Odluka o utvrđivanju statusa javnog dobra u općoj upotrebi (Budoželje).

Ad.7.

(Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2018. godinu.)

Otvorena je rasprava u kojoj je učestvovao vijećnik Kruno Riđić i pomoćnik načelnika Ibrahim Spahić koji je odgovorio na postavljeno pitanje vijećnika i dao pojašnjenje u vezi programa uređenja izvorišta.

Zaključena je rasprava i predsjedavajući OV uz **Zaključak konstatuje da je Vijeće primilo k znanju**

Informaciju o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2018. godinu

Ad.8.

(Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.)

Otvorena je rasprava u kojoj su učestvovali vijećnik Elvir Rožajac i šef odsjeka za BiZ-u Senad Dramalija koji je dao odgovor na postavljeno pitanje vijećnika i dao pojašnjenje u vezi ostvarivanja prava stambenog zbrinjavanja.

Zaključena je rasprava i predsjedavajući OV uz **Zaključak konstatuje da je Vijeće primilo k znanju**

Informaciju o ostvarivanju osnovnih i dopunskih prava iz oblasti boračko-invalidske zaštite na području općine Vareš.

Ad.9.

*(Informacija o stepenu implementacije
Plana upravljanja otpadom općine Vareš 2014-2019, za 2018. godinu.)*

Ermin Musa pomoćnik načelnika upoznao je prisutne da je Lovačko društvo „Zvijezda“ Vareš uz pomoć PJ Šumarija uključilo se u sanaciju divljih deponija.

Nije bilo rasprave po ovoj tački dnevnog reda i predsjedavajući OV uz **Zaključak konstatuje da je Vijeće primilo k znanju**

*Informaciju o stepenu implementacije
Plana upravljanja otpadom općine Vareš 2014-2019, za 2018. godinu.*

Ad.10.

*(Informacija o provođenju lokalnog ekološkog
akcionog/akcijskog plana za općinu Vareš u 2018. godini.)*

Otvorena je rasprava u kojoj su učestvovali vijećnici: Elvir Rožajac, Mario Mirčić i predsjedavajući Adis Čizmo. (skrenuta je pažnja na nedostatak jednog dijela kanalizacionih cijevi za MZ Ravne, da se prilikom postavljanja cijevi u bilo kojoj mjesnoj zajednici vodi računa gdje se kanalizaciona mreža odvodi).

Zaključena je rasprava i predsjedavajući OV uz **Zaključak konstatuje da je Vijeće primilo k znanju**

*Informaciju o provođenju lokalnog ekološkog
akcionog/akcijskog plana za općinu Vareš u 2018. godini.*

Ad.11.

(Tekuća pitanja)

Predsjedavajući OV upoznao je prisutne sa pristiglom poštom:

1. Zahtjev dijela građana Novakovići i dijela naselja Pruga u vezi sanacije gradske rasvjete, od 26.06.2019. godine.

U raspravi su učestvovali vijećnici Elvir Rožajac (podsjetio na lošu rasvjetu u ulici Glavica) i Safeta Muftić (izvijestila prisutne o stanju puta u naselju Selište).

Predsjedavajući OV je konstatovao da je Zahtjev dostavljen Općinskom načelniku i nadležnoj službi na daljnje postupanje i iznalaženje mogućnosti rješavanja navedenog problema.

2. Predsjedavajući OV iznio je problem saobraćanja vozila u ulici Čaršija u dijelu gdje postoji zabrana zaustavljanja i parkiranja. O istom je dao pojašnjenje i traži od nadležnih da se iznađe mogućnost rješavanja tog problema u smislu postavljanja dopunske table o zabrani prolaska vozilima ili eventualno postavljenje „rampe“ . Dostavnim vozilima bi se osigurao prolazak.

Pomoćnik načelnika Ermin Musa izvijestio je prisutne da je obavljen razgovor u vezi ovog problema sa PU Vareš. Postoji mogućnost izmjene Odluke Općinskog vijeća koja reguliše iznesenu problematiku. Izjavio je da će nadležna služba za narednu sjednicu OV pripremiti i Vijeću dostaviti na razmatranje Prijedlog Odluke o izmjeni Odluke o utvrđivanju površina za parkiranje motornih vozila.

Predsjedavajući OV je konstatovao da će u cilju rješavanja iznesenog problema, nadležna služba za narednu sjednicu OV pripremiti i Vijeću dostaviti na razmatranje Prijedlog Odluke o izmjeni Odluke o utvrđivanju površina za parkiranje motornih vozila.

U raspravi je učestvovao vijećnik Kruno Ridić.

Sastavni dio ovog Zapisnika je audio zapis sjednice.

Sjednica je završena u 17,40 sati.

SEKRETAR

Leon Pavlović

ZAPISNIČAR

Azra Pijadžer

**PREDSJEDAVAJUĆI
OPĆINSKOG VIJEĆA**

Adis Čizmo